

uslovima i načinu dodjele "Šestoaprilske nagrade Grada Sarajeva" ("Službene novine Kantona Sarajevo", broj 27/16).

Zamjenik predsjedavajućeg
Komisije za Statut i akte
Broj 02-02-47-1/17
12. januara 2017. godine Gradskog vijeća Grada Sarajeva
Sarajevo Husein Šehalić, s. r.

ODLUKA

O USLOVIMA I NAČINU DODJELE "ŠESTOAPRILSKE NAGRADE GRADA SARAJEVA" (PREČIŠĆENI TEKST)

Član 1.

"Šestoaprilska nagrada Grada Sarajeva" (u daljem tekstu: Nagrada) dodjeljuje se kao najviše društveno priznanje za značajna ostvarenja i značajne rezultate rada u oblastima:

- privrede,
- nauke i obrazovanja,
- kulture i umjetnosti,
- sporta,
- zdravstva i socijalne zaštite,
- drugim oblastima rada i stvaralaštva,

bez obzira na godinu ostvarenja, a koji doprinose ukupnom unaprjeđenju, promociji i razvoju Grada Sarajeva, kao glavnog grada Bosne i Hercegovine i Federacije Bosne i Hercegovine.

Član 2.

Pod značajnim ostvarenjima, u smislu ove Odluke, podrazumijevaju se djela ostvarena u kontinuitetu koja se ocjenjuju kao doprinos razvoju odgovarajuće oblasti, u skladu s kriterijima uobičajenim za konkretnu oblast, a koja doprinose ukupnom razvoju, odnosno promociji grada Sarajeva.

Član 3.

Za dodjelu Nagrade, početkom januara, u sredstvima javnog informiranja objavljuje se javni poziv za predlaganje kandidata za dodjelu Nagrade u tekućoj godini.

Nagrada se dodjeljuje:

- Pojedinca,
- Grupi (okupljenim pojedincima na realizaciji određenih poslova s rezultatima koji se mogu razmatrati u kandidaturi za dodjelu Nagrade kao značajna ostvarenja, odnosno značajni rezultati rada), i
- Kolektivu (privrednom društvu, ustanovi, udruženju i drugom pravnom subjektu s područja grada Sarajeva, kao i onom van područja grada Sarajeva, ako se njihova ostvarenja, odnosno rezultati rada odnose na grad Sarajevo).

Član 4.

Nagrada se ne može dodijeliti organima uprave svih nivoa vlasti u BiH, izabranim funkcionerima, poslanicima i vijećnicima svih nivoa vlasti u Bosni i Hercegovini za vrijeme trajanja njihovih mandata, kao ni zaposlenima u organima uprave svih nivoa vlasti u BiH za ostvarenja koja se odnose na djelovanje u okviru djelokruga posla koji vrše u organu uprave.

Član 5.

Nagrada se dodjeljuje u obliku povelje, uz novčani iznos koji odlukom utvrđuje Gradsko vijeće na prijedlog Administrativne komisije Gradskog vijeća.

Kad se Nagrada dodjeljuje grupi, svaki član grupe dobija povelju.

Novčani dio Nagrade iz stava 1. ovog člana, raspoređuje se članovima grupe u jednakim iznosima.

Član 6.

Povelja iz člana 5. stav 1. i 2. Odluke sadrži tekst: "BOSNA I HERCEGOVINA, FEDERACIJA BOSNE I HERCEGOVINE, KANTON SARAJEVO, GRAD SARAJEVO", sa suhim grbom Grada Sarajeva, centriran na vrhu stranice formata A3. Ispod teksta iz stava 1. ovog člana, ispisuje se sljedeći tekst: "Na

osnovu Odluke Gradskog vijeća Grada Sarajeva o dodjeli "Šestoaprilske nagrade Grada Sarajeva", broj ____, dodjeljuje se:". Na sredini povelje je tekst: "ŠESTOAPRILSKA NAGRADA GRADA SARAJEVA", ime i prezime lica, odnosno imena članova grupe ili naziv kolektiva kojima se Nagrada dodjeljuje. Ispod teksta iz prethodnog stava, ispisuje se kratko obrazloženje, odnosno navodi se oblast rada i stvaralaštva u kojoj je dobitnik Nagrade ostvario značajne rezultate. U donjem lijevom uglu je oznaka datuma, mjesta i broja odluke, a u donjem desnom uglu je potpis gradonačelnika Grada Sarajeva. O izgledu Povelje, odlučuje gradonačelnik uz prethodno mišljenje Komisije za izbor i imenovanja. Uz Povelju se uručuje i Odluka Gradskog vijeća Grada Sarajeva o dodjeli "Šestoaprilske nagrade Grada Sarajeva" za odgovarajuću godinu, kojom se utvrđuje vrsta i sadržaj Nagrade, dobitnik Nagrade, te uručivanje Nagrade od strane gradonačelnika na svečanoj sjednici Gradskog vijeća Grada Sarajeva.

Član 7.

U jednoj godini može se dodijeliti najviše šest Nagrada, iz svake oblasti jedna, bez obzira da li se radi o pojedinačnoj, grupnoj ili kolektivnoj Nagradi.

Nagrada se istom licu, iz člana 3. Odluke, može dodijeliti samo jedanput.

Član 8.

Nagrada se dodjeljuje svake godine i uručuje 6. aprila, na Svečanoj sjednici Gradskog vijeća. Nagradu uručuje gradonačelnik i Predsjedavajući Gradskog vijeća.

Član 9.

Pravo predlaganja kandidata za Nagradu imaju privredna društva, ustanove, udruženja građana, grupe od najmanje 200 građana i druga pravna lica, sa područja Sarajeva.

Subjekti iz stava 1. ovog člana, nemaju pravo isticanja sopstvene kandidature za Nagradu.

Prijedlog iz stava 1. ovog člana podnosi najviši kolektivni organ upravljanja, odlukom tog organa o podnošenju prijedloga kandidata za Nagradu.

Pravo predlaganja kandidata za Nagradu ima i gradonačelnik.

Član 10.

Prijedlog iz stava 3. prethodnog člana dostavlja se u tri (3) primjerka sa detaljnim podacima i obrazloženjem.

Obrazloženje sadrži podatke o kandidatu, ukupan radni opus i posebne zasluge u oblasti zbog kojih se kandidat predlaže za Nagradu.

Član 11.

Gradsko vijeće obrazuje Odbor za dodjelu "Šestoaprilske nagrade Grada Sarajeva" (u daljnjem tekstu: Odbor).

Odbor iz stava 1. ovog člana čine članovi Komisije za izbor i imenovanje Gradskog vijeća i šest istaknutih javnih djelatnika iz oblasti za koje se Nagrada dodjeljuje.

Kolegij Gradskog vijeća Grada Sarajeva kandidira Komisiji za izbor i imenovanje kandidate za članove Odbora iz reda istaknutih javnih djelatnika, iz prethodnog stava. Komisija za izbor i imenovanje utvrđuje prijedlog i upućuje ga Gradskom vijeću Grada Sarajeva na razmatranje i usvajanje.

Predsjednik i zamjenik predsjednika Komisije za izbor i imenovanje Gradskog vijeća su predsjednik i zamjenik predsjednika Odbora.

Mandat članova Odbora iz reda istaknutih javnih djelatnika traje godinu dana.

Član 12.

Odbor iz prethodnog člana ove odluke, na prvoj sjednici, donosi Poslovnik kojim se uređuje način rada, a posebno se definira tajnost rada Odbora, do donošenja konačne odluke o dodjeli Nagrade.

Poslovníkom iz stava 1. uređuje se način glasanja Odbora i to tako da posljednji krug glasanja podrazumijeva brojčano ocjenjivanje prijedloga kandidata.

Član 13.

Nakon provedenog postupka za dodjelu "Šestoaprilske nagrade Grada Sarajeva" od strane Odbora, Gradskom vijeću se upućuje prijedlog za po dva prvorangirana kandidata, ukoliko postoji više kandidata koji ispunjavaju propisane uslove, za svaku oblast u kojoj se Nagrada dodjeljuje, o čemu Gradsko vijeće donosi konačnu odluku tajnim glasanjem.

Član 14.

Ukoliko Odbor ocijeni da određeni prijedlog kandidata ne ispunjava uslove za dodjelu Nagrade, Odbor može uputiti inicijativu prema ovlaštenim predlagачima, gradskim vijećnicima ili gradonačelniku, da podnesu prijedlog za dodjelu drugog priznanja ili nagrade Grada Sarajeva, u skladu sa Odlukom o priznanjima i nagradi Grada Sarajeva.

Član 15.

Nagrada koja se dodjeljuje pojedincu, odnosno grupi, može se oduzeti.

Pod oduzimanjem nagrade podrazumijeva se oduzimanje povelje pojedincu, odnosno članu grupe. Nagrada se oduzima ako je nagrađeno lice pravosnažnom sudskom presudom osuđeno od Međunarodnog suda za ratne zločine počinjene na teritoriji bivše Jugoslavije, ili koje je pravosnažnom sudskom presudom, od bilo kojeg suda sa područja Bosne i Hercegovine, osuđeno za krivično djelo protiv života i tijela na kaznu zatvora od najmanje godinu dana, protiv slobode i prava građana, protiv dostojanstva osobe i morala, protiv imovine, protiv pravosuda, protiv službene i druge odgovorne dužnosti, protiv osnova društvenog uređenja i sigurnosti.

Nagrada se može oduzeti ako je nagrađeno lice pravosnažnom sudskom presudom osuđeno na kaznu zatvora preko tri godine ili težu kaznu, a ne radi se o krivičnom djelu iz prethodnog stava.

Član 16.

O oduzimanju Nagrade odlučuje Gradsko vijeće na prijedlog Odbora.

Odluka o oduzimanju Nagrade objavljuje se u "Službenim novinama Kantona Sarajevo" i sredstvima javnog informisanja.

Član 17.

Članovi Odbora imaju pravo na naknadu za svoj rad. Visinu naknade iz stava 1. ovog člana, utvrđuje Administrativna komisija Gradskog vijeća.

Član 18.

Sredstva za dodjeljivanje Nagrade i za rad Odbora obezbjeđuju se u Budžetu Grada Sarajeva.

Član 19.

Služba Gradskog vijeća vrši stručne i administrativne poslove i vodi evidenciju o dodijeljenim Nagradama.

Član 20.

Gramatička terminologija korištenja muškog i ženskog roda u ovoj Odluci podrazumijeva uključivanje oba roda.

Gradonačelnik

Na osnovu člana 13. stav 2. i 3. Zakona o javno - privatnom partnerstvu ("Službene novine Kantona Sarajevo", broj 27/11) i na osnovu člana 38. i 39. Statuta Grada Sarajeva ("Službene novine Kantona Sarajevo", broj 34/08), gradonačelnik Grada Sarajeva donosi

ODLUKU

O OPREDIJELJENOSTI USPOSTAVLJANJA JPP

Član 1.

(Predmet Odluke)

Grad Sarajevo se opredjeljuje za uspostavljanje JPP na realizaciji Projekta "Projektovanje, izgradnja, upravljanje i održavanje hotela "Vidikovac" na Trebeviću" sa Liste projekata koji se u 2017. godini planiraju realizirati kroz oblike javnog - privatnog partnerstva, donesene Odlukom Gradonačelnika, broj 01-05-6292/16 od 17.11. 2016. godine.

Član 2.

(Dokumentaciona osnova)

Javno - privatno partnerstvo na realizaciji projekta iz člana 1. ove Odluke, realizira se na osnovu Studije opravdanosti projektovanja, izgradnje, upravljanja i održavanja hotela "Vidikovac" na Trebeviću, od 30.11.2016. godine, autora prof. Dr. Elvira Čizmić, a koja je sastavni dio ove Odluke.

Član 3.

(Stupanje na snagu i objava u službenim novinama)

Ova Odluka stupa na snagu danom stupanja na snagu odluke kojom Gradsko vijeće Grada Sarajeva daje saglasnost na ovu Odluku i objavit će se u "Službenim novinama Kantona Sarajevo".

Broj 01-05-7012/16

28. decembra 2016. godine
Sarajevo

Gradonačelnik
Prof. dr. Ivo Komšić, s. r.

OPĆINA HADŽIĆI

Općinsko vijeće

Na osnovu člana 24. Statuta Općine Hadžići ("Službene novine Kantona Sarajevo", br. 15/09, 17/12, 10/13 i 14/13 - ispravka), člana 28. Poslovnika Općinskog vijeća Hadžići ("Službene novine Kantona Sarajevo", br. 15/09 i 1/14) i člana 3. Odluke o osnivanju Zdravstvenog savjeta ("Službene novine Kantona Sarajevo", broj 6/13), Općinsko vijeće Hadžići, na Trećoj sjednici održanoj 29.12.2016. godine, donosi

ODLUKU

O IMENOVANJU PREDSEDNIKA I ČLANOVA ZDRAVSTVENOG SAVJETA

I

Imenuju se predsjednik i članovi Zdravstvenog savjeta, i to:
ĐELILOVIĆ TARIK - predsjednik Zdravstvenog savjeta

KARIŠIK IRMA - zamjenica predsjednika Zdravstvenog savjeta

HORMAN ISMIĆ BELMA - članica

MUHIBIĆ NERMINA - članica

KESER IRMA - članica

KORJENIĆ EMINA - članica

RAMIĆ LEJLA - članica

PAŠKOVAN MIRELA - predstavnica škola sa područja općine Hadžići

KUSTURA MUAMER, dr. vet. med. - predstavnik

Veterinarske ambulante Hadžići

KORO IZET - predstavnik Jedinstvenog općinskog organa uprave

BALIĆ ADNAN - predstavnik zdravstvene ustanove

OJ Dom zdravlja Hadžići

DUDERIJA dr. MURAT - predstavnik Zdravstvenog savjeta

- (2) Osnivač će Muzeju obezbijediti osnovni fond muzejskog materijala onog značaja i obima koji omogućava proučavanje i prezentaciju kulturno-historijskog razvoja područja na kojem muzej obavlja svoju djelatnost, potrebnu opremu kao i adekvatan prostor za smještaj zbirke.
- (3) Obaveza Muzeja je da izvrši prijem, popis, razvrstavanje i izlaganje muzejskog materijala u skladu sa zakonom i podzakonskim aktima koji reguliraju ovu oblast, kao i da poduzima sve potrebne aktivnosti za ispunjavanja uvjeta za rad u skladu sa zakonom, normativima i standardima.

Član 15.

(Prestanak Muzeja)

- (1) Na prestanak Muzeja shodno se primjenjuju odredbe zakona.
- (2) U slučaju prestanka rada Muzeja, Osnivač će odrediti muzej ili drugo pravno lice koje će preuzeti muzejski materijal Muzeja koji prestaje sa radom.

Član 16.

(Upis u registar i ovlaštenja)

- (1) Osnivanje Muzeja, organizovanje, statusne i druge promjene i prestanak Muzeja upisuju se u odgovarajući sudski registar ustanova, na zahtjev ovlaštenog lica.
- (2) Upis u sudski registar ima pravno dejstvo prema trećim licima od dana upisa.
- (3) Pored registra iz stava 1. ovog člana, Muzej se upisuje u Registar muzeja koje vodi resorno ministarstvo.
- (4) Muzej je dužan da dostavi ministarstvu sve potrebne podatke za upis u registar, kao i da blagovremeno vrši registraciju promjena.
- (5) Ovlašćuje se Gradonačelnik da u ime Osnivača potpiše osnivački akt i sve isprave potrebne za osnivanje Muzeja, kao i sve isprave za koje je u skladu sa važećim zakonskim propisima neophodna notarska obrada. Gradonačelnik je ovlašten i da ovlasti postupajućeg notara na preduzimanje potrebnih radnji potrebnih za upis u nadležne registre.
- (6) Odstupanje od odredbi ove Odluke u notarskoj obradi osnivačkog akta dozvoljeno je samo u mjeri u kojoj će se akt prilagoditi zakonskim odredbama i za potrebe ispravke tehničkih greški.

Član 17.

(Nadzor)

- (1) Stručni nadzor nad radom Muzeja i uprave vrši Muzej Sarajeva.
- (2) Nadzor nad zakonitošću rada Muzeja vrši Osnivač.

Član 18.

(Izmjene i dopune Odluke)

Izmjene i dopune Odluke vrše se na način i po postupku za njeno donošenje.

Član 19.

(Ravnopravnost spolova)

Odredbe ove Odluke odnose se podjednako na lica muškog i ženskog spola, bez obzira na rod imenice upotrebljen u tekstu Odluke.

Član 20.

(Prijelazne i završne odredbe)

- (1) Rok za imenovanje članova Upravnog i Nadzornog odbora Muzeja je 90 dana od dana upisa Muzeja u sudski registar.
- (2) Na pitanja koja nisu regulisana ovom odlukom shodno se primjenjuju odredbe zakona i podzakonskih akata koji reguliraju ovu oblast.

Član 21.

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-1862/17
29. novembra 2017. godine
Sarajevo

Predsjedavajući
Gradskog vijeća
Dr. Igor Gavrić, s. r.

Na osnovu člana 26. stav 1. tačka 2. i tačka 18. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na sjednici od 29.11.2017. godine, donijelo je

ODLUKU

O IZMJENI I DOPUNI ODLUKE O USLOVIMA I NAČINU DODJELE "ŠESTOAPRILSKE NAGRADE GRADA SARAJEVA"

Član 1.

U Odluci o uslovima i načinu dodjele "Šestoaprilске nagrade Grada Sarajeva" ("Službene novine Kantona Sarajevo", broj 3/17 - Prečišćeni tekst) u članu 9. stav 3. mijenja se i glasi:

"Prijedlog iz stava 1. ovog člana podnose najviši organi upravljanja Skupština ili Upravni odbor, odlukom tih organa o podnošenju prijedloga kandidata za Nagradu."

Član 2.

U članu 13. dodaje se novi stav 2., koji glasi:

"Ukoliko postoji jedan kandidat koji ispunjava propisane uslove, Odbor može predložiti tog kandidata Gradskom vijeću za dodjelu Šestoaprilске nagrade Grada Sarajeva."

Član 3.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-1860/17
29. novembra 2017. godine
Sarajevo

Predsjedavajući
Gradskog vijeća
Dr. Igor Gavrić, s. r.

Na osnovu člana 26. stav 1. tačka 2., tačka 10. i tačka 11. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), člana 3. stav 3. Zakona o ustanovama ("Službeni list RBiH", broj 6/92, 8/93 i 13/94), a u vezi sa Odlukom o davanju saglasnosti na Sporazum radi osnivanja Javne ustanove "Muzej savremene umjetnosti ARS AEVI Sarajevo" ("Službene novine Kantona Sarajevo", broj 41/17), Gradsko vijeće Grada Sarajeva, na Devetoj sjednici održanoj 29.11.2017. godine, donosi

ODLUKU

O UTVRĐIVANJU POSTOJANJA JAVNOG INTERESA ZA OSNIVANJE JAVNE USTANOVE "MUZEJ SAVREMENE UMJETNOSTI ARS AEVI SARAJEVO"

Član 1.

Utvrđuje se postojanje javnog interesa za osnivanje Javne ustanove "Muzej savremene umjetnosti ARS AEVI Sarajevo".

Član 2.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-GV-02-1861/17
29. novembra 2017. godine
Sarajevo

Predsjedavajući
Gradskog vijeća
Dr. Igor Gavrić, s. r.



Administrativna komisija Gradskog vijeća

Broj: 02-14-2019/13

Datum: 05.12.2013.godine

Na osnovi člana 18. Odluke o uslovima i načinu dodjele “Šestoaprilske nagrade Grada Sarajeva” – Prečišćeni tekst (“Službene novine Kantona Sarajevo”, broj 5/12), Administrativna komisija Gradskog vijeća Grada Sarajeva, na svojoj sjednici održanoj 05.12.2013. godine, donosi

ODLUKU O VISINI NOVČANE NAKNADE ČLANOVIMA ODBORA ZA DODJELU “ŠESTOAPRILSKE NAGRADE GRADA SARAJEVA” U 2014. GODINI

Član 1.

Ovom Odlukom utvrđuje se visina novčane naknade članovima Odbora za dodjelu “Šestoaprilske nagrade Grada Sarajeva” u 2014. godini.

Član 2.

Naknade iz člana 1. ove Odluke isplaćuju se u neto iznosu od 500,00KM za svakog člana Odbora za dodjelu “Šestoaprilske nagrade Grada Sarajeva” u 2014. godini.

Član 3.

Ova Odluka stupa na snagu danom donošenja.



PREDSJEDAVAJUĆI KOMISIJE

Suljo Agić



Administrativna komisija Gradskog vijeća

Broj: 02-14-1973-1/14

Datum: 10.12.2014.godine

Na osnovi člana 18. Odluke o uslovima i načinu dodjele “Šestoaprilske nagrade Grada Sarajeva” – Prečišćeni tekst (“Službene novine Kantona Sarajevo”, broj 5/12), Administrativna komisija Gradskog vijeća Grada Sarajeva, na svojoj sjednici održanoj 10.12.2014. godine, donosi

ODLUKU O VISINI NOVČANE NAKNADE ČLANOVIMA ODBORA ZA DODJELU “ŠESTOAPRILSKE NAGRADE GRADA SARAJEVA” U 2015. GODINI

Član 1.

Ovom Odlukom utvrđuje se visina novčane naknade članovima Odbora za dodjelu “Šestoaprilske nagrade Grada Sarajeva” u 2015. godini.

Član 2.

Novčana naknada članu Odbora za dodjelu “Šestoaprilske nagrade Grada Sarajeva” u 2015. godini isplaćuje se na način i u visini kako je to utvrđeno za člana radnog tijela u Gradskom vijeću.

Član 3.

Ova Odluka stupa na snagu danom donošenja.



PREDSJEDAVAJUĆI KOMISIJE

Suljo Agić
Suljo Agić